

ЎЗНОМА
1930 ЙИЛ
12 МАЙДАН
ЧИҚА
БОШЛАГАН



ЎЗБЕКИСТОН ЖУМҲУРИЯТИ ИИБ ҲАЙЪАТИ ҚАШРИ

№ 21 (2441)

1992 ЙИЛ 20 ФЕВРАЛЬ

ПАЙШАНБА

НАРХИ: ОБУНАЧИГА 30 ТИИНИ, СОТУВДА 40 ТИИНИ

БЕДАРАК ЙЎҚОЛГАННИНГ ТАҚДИРИ

1912 йилда туғилган, Ибн Сино даҳасидаги 12-уйнинг 23-хонадонида яшовчи Р. Абдуллаева 21 декабрда уйдан чиқиб кетгану қайтиб келмаган. Унинг фарзандлари отасини қидириб топилмади, ёрдам сўраб, рўнома ва телевидениега мурожаат қилишган. Матбуотда расми берилгач, Тўйтепадан хабар олинди.

Маълум бўлишча, парижонхотирлик ва юрак касалликлари билан оғриган

отахон адашиб Тўйтепага бориб қолади. У ерда дарди тутиб қолиб, йиқилиб тушган ва жон берган. Шу теварак-атрофдаги кексалар йиғилишиб, уни барча расм-русмларга риоя қилган ҳолда қабрга қўйишган.

ИИБга кўзлари жиққа ёшга тўлган бир аёл кириб келди. 2 ёшли ўғилчаси йўқолиб қолганини аранг тушунтиролди.

Ходимлар қидирувга киришдилар. Текширишлар унинг қотили ўғай отаси эканлигини кўрсатди.

Бола кечаси йиғлаб, хараша қилаверган. Бу ўғай отага ёқмаган. Зилдай мушти билан бир уриб, уни ўлдирган. Ёвуз қилмишини яшириш мақсадида гўдак жасадини онасининг кўйлагига ўраб, ёнаётган ахлат уюмига ташлаб юборган.

О. ТУРАЕВ,

Тошкент шаҳар.

Октябрь тумани ИИБ ЖҚБ ходими.

ҚАСАМНИ БУЗГАН ЖАРРОХ

1991 йилнинг 25 декабри Пахтачи туманининг «Коммунизм» жамоа хўжалигида истиқомат қилувчилар Абдурашул Саидов билан Собир Ғафоровларнинг оила аъзолари учун машъум кун бўлиб қолди. Эндигина ҳарбий хизматдан қайтган йигитлар ҳали ота-оналари, қариндошлари дийдорига тўла тўйиб ҳам улгурмаган эдилар. Шу кунни улар уйдагиларга: «Кинога борамиз», — деб чиқиб кетганларича келмадилар. Икки дўстни тунда Тошкент-Бухоро йўлининг 122-километрида қонга беланган ҳолда топишди.

Йигитларни машинасида уриб, қочиб кетган номердани бўлди экан? Агарда шовилинч чора кўрилмаса, қотил изни яшириши, машинасини созлатиб ҳам улгуриши мумкин. Туман ички ишлар бўлими ходимлари олдига ўта жумбоқ иш кўндаланг бўлиб турар, бу эса уларни шовилишга даъват этарди. Фақатгина Абдурашулнинг воқеа содир бўлган жойдаёқ ҳалок бўлганлиги, Собирнинг жони эса касалхонада узилгани аён эди, холос. Уларни қайси белгидаги техника, қачон уриб кетганини аниқлаш воқеа содир бўлганини ҳеч ким кўрмагани учун ҳам жуда қийин кечди...

Ниҳоят шу туннинг ўзидаёқ номердани ҳайдовчи ушланди. У туман марказий шифохонаси жарроҳи Қахрамон Пўлатов бўлиб чиқди. Агарда Гиппократ қасамини бузган хирург жабрланувчиларга вақтида ёрдам кўрсатганида, балки эндигина 21 ёшга қадам қўяётган йигитларнинг ҳаёти сақлаб қолинган бўлармиди? Йўқ. Қахрамон ундай қилмади. Аксинча, қилар ишни қилиб қўйиб, жиноятини яширишга уринди. Ҳатто машинасининг айрим қисмларини алмаштиришга ҳам улгурди.

Утказилган текширишда эса Қ. Пўлатовнинг спиртли ичимлик ичиб, машинани бошқаргани маълум бўлди. Бу жиноятни очишда, айниқса, ДАН назоратчилари Худойберди Назаров, Эркин Саҳатов, Фулом Носировларнинг хизматлари катта бўлди.

Албатта, Қахрамон Пўлатов одил суд олдига қилмишига яраша жазосини олади. Бироқ ёш умрлари ҳазон бўлган йигитларни қайтариб бўлмайди-ку. Наҳотки, одамлар шунчалик ҳам дийнатсиз бўлиб бормоқда!

Иззатулла НОРҚУВВАТОВ.

Ҳаммаси кутилмаганда юз берди. Фрунзе тумани ИИБ ДАНБ ходимлари одатдагидай қатнов хавфсизлигини таъминлаш бўйича режали топшириқни уддалаш билан банд эдилар. Бобур кўчасидаги темир йўл устига қурилган ўтқалга яқинлашганларида, «Круз» емакхонаси биқинида тўхтаб турган машинага ўқдай учиб келаётган «ВА3-2108» урилди.

Б. Шарипов ёрдамчи куч чақиритишга шошилди.

«Полимер» заводи ҳудудига яширинишга улгурганлардан бири Бошлиқ кўчасига қочиб чиқиб, ўзини таксига урди. Бироқ серташвиш ҳодиса туфайли оёққа турган Тошкент шаҳар ИИБ ДАНБ гуруҳи уни қўлга олди. Ёнидан қирқма миллион чикди. Теварак-атрофни элак-элак қилиб кўздан ке-

МАНЗИЛНИНГ НОМИ—ЖАЗО

Аслида улов нархи қўл туғул кўз ҳам етмас баландликка кўтарилганидан машинаси пачоқланган ҳайдовчи шўри қуригани учун бириккита рўмолчани ҳўлласса арзирди. Йўқ, «Жигули» ичидан тушган беш номаълум кимса тўрт тарафга қараб тум-тарақай қочишга тушди.

Воқеа жойида маълум бўлдик, машина Ленин тумани милицияси ходимлари томонидан таъқиб этилган. Тўхташ кераклиги ҳақидаги талабга ўқ узиб жавоб берилган.

Шубҳага ўрин қолмади. Автофалокет содир этганларнинг жиноятга алоқаси бор. Фрунзеликлар ҳамкасбларига ёрдам кўрсатишга ошиқдилар. Милиция кичик лейтенанти К. Болтабоев, милиция старшинаси С. Нурматовлар қочоқлар изига тушишди, милиция старшинаси

чирган туман ДАНБ бошлиғи милиция майори Б. Эрматов етакчилигидаги ходимлар уриниши бенаф кетмади. Тўқимачилик комбинати ичида биқиниб ётган иккинчиси ҳам тақдирига тан беришдан ўзга иложи қолмади.

Текшириш давомида қирқма миллионли 21 ёшдаги Александр К. озодликдан маҳрум этилган жойидан атиги ўн кун бурун қайтганлиги аниқланди. Шериги Янгийўл туманилик 18 ёшли Рамил А. экан. Олиб қочилган машина Рамилнинг қўшнисига қарашли бўлган.

Фрунзе тумани ИИБ ДАНБ ходимларининг касб маҳорати ва бурчга садоқати натижасида яна бир жиноят манзилига етиб келди. Бу МАНЗИЛНИНГ НОМИ — ЖАЗО.

Ғ. ТЕМИРОВ.



Риштон туманига қарашли Бешнапа, Бўстон қишлоқларида милиция майори Мирзасул Абдураимовни ҳамма яхши билади ва ҳурмат қилади. Чунки бу участка инспекторининг жонкуярлиги, меҳнатсеварлигидан кўплай жиноятлар олди олинапти.

СУРАТДА: участка инспектори милиция майори Мирзасул Абдураимов маҳалла фаоллари билан.

Ғуломжон УБАЙДУЛЛАЕВ олган сурат.

ХАЛҚ ПУФЛАСА, БЎРОН БЎЛАДИ

Ички ишлар идораларида ечимини кутаётган муаммолар кам эмас.

Тўғри, ЭҲМ, компьютерлар, замонавий техник асбоб-ускуналар, алоқа воситалари, автомашиналар хизматимизни енгилаштиради, ёрдам беради. Биз ҳам улар билан ишлагимиз келади. Ваҳоланки, ҳозирча бундай имкониятга эга эмас эканмиз, фаолиятни яхшилашнинг бошқача усулларини қидирмоғимиз керак.

Иш аввало ходимлар билан. Шу боис ҳар ким иқтидори, малакаси, тажрибаси, билимига яраша ўз ўрнини топтоғи лозим. Ҳеч кимга сир эмас, хизматга қабул қилинаётган киши аввало турли ҳужжатларини тўплайди. Сўнг тиббий кўриқдан ўтади. Энг охирида эса раҳбарият билан суҳбатда бўлади. Мабодро раҳбар унинг тимсолида бўлажак ходимни кўрмасачи?! Демак шунча елиб-югургани, ҳаракатлари бекор кетди, дегани.

Биз эса бошқарма раҳбарияти билан келишиб, бунга чек қўйдик. Милицияда ишлаш истагини билдирган ҳар бир шахс аввало раҳбариятнинг олдидан ўтади. Аммо бу суҳбат қуруққина бўлмай, ўзига хос имтиҳондир. Шундай қилинганда, ҳар икки томон зарар кўрмайди, вақт ҳам ҳавога учмайди. Асосан мутахассислиги бўйича ишга олиш йўлга қўйилди.

Ходимларнинг иш натижаларини оширишда қоғозбозлик, мажлисбозлик ва бюрократияни жиловлаш ҳам муҳимдир. Бу ўрида жойларга турли керак-но керак кўрсатмалар, йўл-йўриқлар юборишлар тўхта-тилди.

Маълумки, участка вакилларининг аксарияти ўз хизмат ҳудудларидан узоқда яшамади. Иш кўрсаткичлари бунга кўп жиҳатдан боғлиқдир. Шуларни ҳисобга олиб, бугунги кунда фақат маҳаллий кадрлар мазкур лавозимларга тайинланмоқдалар. Бунинг яна бир қанча афзалликлари ҳам бордир.

Ходимларга иш шароитини яратиш мақсадида бошқармадаги, жойлардаги раҳбарларнинг «ҳашамати»ни бузишга аҳд қилдик. Ортиқча стол-стуллар, телефон аппаратлари уларга бўлиб берилди.

Вилоятдаги яқин туманларга чиқилган хизмат сафари учун тўланадиган ҳақ бекор қилинди.

Моҳиятан олиб қараганда, милиция ишчи идорасидир. Шунинг учун фуқароларга қўлайлик яратиш, уларнинг арзу додига етиш, оғирини енгиш этиш мақсадида бошқармадаги, жойлардаги фуқароларни қабул қилиш жадвали тубдан ўзгартирилди. Ҳозир бошқармада ҳам, жойлардаги ИИБда ҳам қабул ҳар кун 9 дан 23 гача қилиб белгиланган.

Бу, биринчидан, милицияни халқ билан яқинлаштириш, иккинчидан кўплай қонунбузилишларга чек қўяди. Яна бир муҳим томони, одамлар милиция сиймосида ўз нажоткорини кўради, унга ихлоси ортади, табиийки, ёрдамини аямайди. Қадимгилар халқ пуфласа, бўрон бўлади, тепинса, зилзила, деб бежиз айтишмаган. Шу сабабли милиция, бошқа ҳуқуқ-тартибот идоралари халқ билан, унинг ташвишлари билан яшаши лозим.

Бугунги кунда вилоятда жиноятчиликнинг 6 фонзга камайганлиги кузатилмоқда.

Масалан, вилоятнинг Баҳористон туманида ўтган йили биронта жиноят содир этилмаган.

Шу ўрида бир нарсани таъкидлашни жоиз, деб билардим. Ички ишлар идоралари таркибини ўзгартириш лозимдир. Буяда биринчи даражали хизматлардаги ходимларни кўпайтириш керак. Юқоридан штатлар белгиланмай, бу вазифа ИИБ раҳбарларига юклатилса, фойдадан ҳоли бўлмас эди.

Мисол учун бир туман ИИБда 5-6 нафар воёга етмаганлар билан ишлаш бўйича участка вакиллари бор, жиноят қидирув опервакили эса танҳогина.

Агар ваколат бошқарма раҳбарларига берилса, жойлардаги мавжуд оператив ҳолатга қараб, ходимларни кўпайтириш ёки қисқартириш масаласини кўриб чиқиш мумкин бўларди.

Яна бир мулоҳаза. Токи мустақил эканмиз, ўз қонунларимизни ишлаб чиқиш фурсати етди. Қонун эса қаттиқ, ягона, ҳамма учун бир бўлиши шарт.

М. БЕКМУРОДОВ,

Қашқадарё вилояти ИИБ бошлиғи милиция подполковниги.

БИЗНИНГ СУХБАТ

АХИЛЛИКДА ХИКМАТ КЎП

Ҳалилжон Ҳазратқулов ҳали ёш, унвони эса милиция капитани. Аммо ички ишларнинг кўпгина соҳаларида ўз имкониятларини синаб кўришга улгурган. Айни кунларда Тошлоқ тумани ИИБ бошлиғи.

— Уртоқ капитан, эшитимизга қараганда, бу ерда 1990 йил 23 декабрдан бери бошлиқ сифатида фаолият кўрсатаясиз экан. Айтингчи, дастлаб ишни нимадан бошлагансиз?

— Ахиллиқни таъминлашдан. Бу борада ўз фикрим бор эди. Валломати бўлсада, агар жамоада ҳамкорлик, ҳамфикрлик бўлмаса, кўл остидаги кишилар унинг тўғри фикрини қувватлаб, камчиликларини айтиб туришмаса, ҳеч нарса қила олмайди. Шу боис ИИБда бўлинма раҳбарлари иштирокида кенгаш тузди. Халқимизда битта калла яхши, иккита калла эса ундан ҳам яхши, деган нақл бор. Ҳар шанба кун шу кенгашда бир ҳафталик иш якунлари ва келгусидаги режалар ҳақида фикр алмашадиган бўлди.

Шу ерда мен яна бир тақлифни ўртага ташладим. У кўпчиликка маъқул тушди. Бўлимда отлик взвод тузишни мақсадга мувофиқ, деб ҳисобладик.

— Демак, бу борада Фарғона вилоятида биринчи бўлгансизлар...

— Йўқ, аввал Қўқонда бу ишга қўл урилганди. Туман ижроия қўмитасидаги ўртоқлар ташаббусимизни қизгин маъқулладилар ҳамда 30 минг сўм пул ажратиб беришди. Бу февраль ойида эди. Дастлаб жамоа хўжаликларидан етгита от сотиб олдик. Ижрокўм ҳар бир хўжалик ички ишлар бўлими учун иккитадан от ушлаб турсин, деган қарор чиқариб берди. 9 та жамоа хўжалиги бор бизда. Улар ҳисобидан иккитадан, боғи сотиб олганларимизни қўшсақ, 25 та отимиз бор бугунги кунда.

— Ҳозирги тақчиллик пайтида бу отларни ушлаб туришга иқтисодий жиҳатдан қийналмайсизларми?

— Умуман қийинчиликлар йўқ деб бўлмайди. Аммо юқорида айтганимдек, отларимиз хўжаликлар фермаларида парварिश қилинади. Оммавий тадбирлар ўтказиладиган пайтларда эса бемалол фойдаланаверамиз.

Бундан ташқари милиция ходимларининг жисмоний тайёргарлигини оши-

риш гоят зарур, деган фикрга келдик. Алоҳида взвод ташкил этдик. Бақувват йигитларни танлаб олиб, уларни мунтазам спорт билан шуғулланишга даъват этдик. Ҳозир қаратгани яхши ўзлаштириб олган 45 нафар ходимларимиз бор. Аввало уларнинг ўзлари га яхши бўлди, саломатликлари мустаҳкамланди. Қолаверса, кутилмаган пайтларда қурол ишлатишга эҳтиёж сезишмайди. Уларини икки-уч, ҳатто беш-олти кишидан бемалол ҳимоя қила олишади.

— Ушлардан мисол келтирсангиз...

— Участка вакили милиция лейтенанти Йўлдошали Ғалмасов, ЖКБ опервакилларида милиция лейтенанти Алишер Аҳмаджонов, милиция катта лейтенанти Аъзамхўжа Умрзоқов, ДАН бўлинмасидан милиция катта лейтенанти Машрабжон Абдуллаев...

— Демак, ўтган йил давомида асосан иккита катта ишга қўл урибсизлар. Бу саъй-ҳаракатлар натижаси амалий фаолиятда кўриндими?

— Шу ишларни бошлаганимизда кўпчилик эътироз билдирган ҳоллар ҳам бўлди. «Ходимларининг ярми отлар билан, ярми спорт билан овоза бўлса, тартибни сақлаш, яъни амалий хизмат аро йўлда қолиб кетади», — дегувчилар топилди. Чунки ҳақиқатдан ҳам, айниқса, алоҳида взводга уюшган ходимларимизга ҳафтада тўрт кунлаб спорт билан шуғулланишга имконият яратиб берган эдикда. Лекин вақт олий ҳакам, пайти келиб бу эътирозларнинг асосиз эканлиги исботланди. Энг муҳими, содир этилган жиноятларнинг очилиши ўсди. 1990 йилда бу борадаги кўрсаткич 72 фоз бўлса, 1991 йилга келиб 90 фозни ташкил қилди. Оғир жиноятлар сони 73 фозга қисқариб кетди. Бировга айтсангиз ишонмайди, 120 минг аҳолиси бўлган туманда одам ўлдириш, босқинчилик, номусга тегиш, талончилик каби қабихликлар бирорта ҳам содир этилмади. Бу фавқулоддаги ютуқ эмас, амалда шундай кўнгилсизликларнинг олди олин-

ди. Спорт билан шуғулланиш туфайли ходимларимизнинг жисмоний ва жанговар тайёргарлиги ортди. Буни қуйидаги рақамлар ҳам тасдиқлайди. Эътибор беринг-а, майда безорилик бўйича аввалги йили 60 киши ушланган бўлса, ўтган йили 249 киши ушланди. Майда чайқовчилик бўйича аввалги йилда 10 кишини, ўтган йилда эса 39 кишини қўлга олдик. Автоуловларни маст ҳолда бошқарганлиги учун аввалги йилда 100 ҳайдовчи га, ўтган йилда эса 283 кишига маъмурий чора кўрилди.

— Бу йилги аҳвол қандай?

— Кўз тегмасин, жуда яхши. Жиноятчилик ниҳоятда озайиб кетяпти. Масалан, ўтган йили январь ойида 30 та жиноят содир бўлган бўлса, бу йилги январь ойида 15 та қонунбузарлик содир этилди. Ўғирликдан бошқа қонунбузарликлар кескин камайиб кетган.

Лекин бу хотиржамликка асос бўлолмайди. Оз бўлсада, фуқаролар барибир жабр кўряпти. Қолаверса, юқорида айтганимдек, ўғирлик ўтган йилги даражада турибди. Шунга ҳам йўл қўймайлик учун ходимларимизни икки сменали ишга ўтказдик. Уларнинг бир қисми кундузи дам олиб, кечаси патруллик қилишади. Январь ойида бир кунда икки-учталаб ўғирлик содир бўлаётганди. Шу тадбиримиздан сўнг, яна кўз тегмасин дейман, бирорта ҳам ўғирлик рўй бермади.

— Демак, муаммолар йўқ деса ҳам бўлади...

— Нега энди? Камчиликларимиз бор. Айрим ходимларимизнинг профессионал маҳоратлари мени қониқтирмайди. Айниқса, янги келганлар ниҳоятда гўр, қонунларимизни яхши тушунишмайди. Ўқишни яхшиламаймиз. Иложи борича ташқаридан мутахассисларни жалб этишга интилаяймиз.

Генералимиз (бошқарма бошлиғи Р. Абдуллаев)нинг яхши гаплари бор: «Иложи борича халқнинг ичиде юринлар», — дейишади у киши. Шунга ҳаракат қилаяймиз.

— Бу тўғриси айтганда ҳамманинг дилидаги, аммо ечимини топмай келаётган муаммо. Сиз бу борада қандай фикрлайсиз?

— Жуда оддий. Милиция ходими тўй-ҳашамларда, тур-

ли маросимларда, ҳатто азада ҳам қатнашиши керак. Бир чойнак чой дамлаб келиб, бошқаларнинг олдига қўйган билан милиционернинг бирор жойи камайиб қолмайди. Қайтанга обрўйи ошади.

— Айтилик, азада милиция ходими формада бўлгани яхшими ёки...

— Хизмат пайтида бўлса, формали киргани маъқул. Тасаввур қилинг, формада кириб бориб, одоб билан ўтириб, юзига фотиҳа тортса, керак бўлиб қолганда тиловат қилиб юборса, қандай яхши. Одамлар шундагина тушунади милиция формасини кийган ҳам ўзлари каби инсон фарзанди эканлигини.

Яна битта фикр, мен кейинги пайтларда ходимларга диний урф-одатларни мумкин қадар ўрганишни тайинлашман. Чунки замон талаби ўзгарди. Миллатимиз қайтадан ўз динига эга бўлди. Бу яхши. Аммо диндорлар орасида ҳам воқеликни калта қаричи билан ўлчайдиганлари бор. Улар ўзларининг торгина дунёқарashi билан милиция ишига тўғаноқ бўлишлари мумкин. Шундай пайтларда милиция ходимлари бу томондан яхшигина билимга эга бўлишлари керак, токи улар билан тортишиб, голиб келиш шарт.

— Яна бир муаммо ҳозирги кунда ўткир бўлиб турибди. У ҳам бўлса муниципал милиция ходимлари тақдир.

— Саволингизга тушундим. Вилоятимиздаги қўшни туманларда ҳам муниципал милиция ходимларини маблағ билан таъминлаш борасида қатор қийинчиликлар туғилган, хабарим бор. Лекин худого шукрки, бизнинг туманимиз раҳбарлари мавжуд аҳволни атрофлича мушоҳада этиптилар. Тинчликни сақлашда нимаики керак бўлса, ёрдамга тайёриямиз, сизлар ишонччи оқласангизлар бўлди, дейишяпти. Чунки ўзингиз ўйлаб кўринг, Россия тарафларда ҳар минг кишига биттадан милиционер тўғри келади. Бизда-чи? Муниципал милиционерларни ҳисоблаган тақдирда ҳам ҳар икки минг кишига биттадан ходим.

Умуман айтганда, камчиликлар йўқ эмас. Аммо бирорта ташкилотга ёрдам сўраб кирганимизда, унинг раҳбари рад жавобини берганини эслолмайман. Бу эса, биринчидан халқ билан яқинлашаётганимизни билдирса, иккинчидан, ахиллигимиз самарасидир.

Сухбатдош Раҳмон АЛИ



Тошкент шаҳар ИИБнинг патрул-пост хизмати ходими милиция кичик сержанти Имомжон Сувонов Октябрь туманида осойишталик барқарорлигини таъминлашда фаол иштирок этмоқда.

Ҳ. ШОДИЕВ олган сурат.

АКС-САДО

ПОДАЧИНИ КЎПАЙТИРИШ ШАРТМИ?

Бувайда тумани ИИБ участка вакили милиция майори Акрамжон Умаровнинг «Сиз нима дейсиз?» деган мақоласини хайрихоҳлик билан ўқиб чиқдим. Негаки муаллиф шахсан мени анчадан бери ўйлантириб юрган муаммони муҳокамага ташлаган экан.

Ички ишлар идораларида 1975 йилдан бери хизмат қилиб келаман. Айни пайтда Олтиариқ тумани ИИБ бошлиғининг ўринбосариман. Туманимиз худуди 270 квадрат километрни ташкил этади. Аҳолиси эса 136 минг киши. Уларнинг тинчлигига хотиржамлиги учун жавобгар бўлган участка вакиллари эса атиги 10 киши. Мавжуд кўрсатмаларга кўра ҳар 4-5 минг аҳолига битта участка вакили хизмат қилиши лозим.

Тўғри, уларнинг сонини кўпайтириш учун раҳбарият кўп ҳаракат қилляпти. Аммо ҳозирги тақчиллик пайтида маблағ топши муаммоси бунга тўғаноқ бўляптида.

ИИБда жиноят қидирув гуруҳи мавжуд бўлиб, бу гуруҳга атиги уч киши уюшган. Кўриниб турибдики, уларнинг энимасига ҳам керагидан ортиқча вазифалар юклатилган. Иқтисодий жиноятчилик билан кураш бўлинмаси ҳам мавжуд. Таклифим — бу бўлинмани қисқартириб, жиноят қидирув бўлинмаси ташкил этиш мақсадга мувофиқдир.

Бошлиқнинг оператив ишлар бўйича ўринбосари штатини йўқ қилиб, бу вазифани эгаллаб келган ходимни ЖКБ бошлиғи этиб тайинлаш даркор. Балогатга етмаганлар билан шуғулланувчи инспекция ходимларини ҳам ЖКБга тортиш тарафдориман.

Энг муҳими, юқорида айтганимдек, участка вакиллари сонини кўпайтириш лозим, деб ўйлайман. Шу ерда баъзи рўзномасеварлар боғи муаммони — маблағ масаласини назарда тутиб, фикримни қувватламасликларни мумкин. Ваҳоланки, кўпгина ИИБ бошлиқларининг 4, ҳатто 5 нафар ўринбосари бўлади. Нимага керак шунча раҳбар? Битта бошлиққа бир ёки иккита ўринбосар бўлса, етиб ортади. Зеро, халқимизнинг подачи кўп бўлса, сурув ҳаром ўлад, деган нақли бежиз эмас.

А. АБДУВОЙТОВ, Олтиариқ тумани ИИБ бошлиғининг ўринбосари милиция майори.

БИЗНИ ҚАРҒАМАНГ

Мана Ўзбекистонимиз мустақиллик йўлига биринчи қадамини қўйди. Бироқ, қандайдир ичи қора галамислар озодлик йўлига гов бўлиб, турли найранглар ишлатишмоқда, соддадил, очикқўйил ва ишонувчанлигидан фойдаланиб, ёшларни йўлдан ўрмоқдалар. Жумладан, шу йилнинг 16 январидаги воқеалар ҳам ўз-ўзидан келиб чиқмаган.

Лекин, минг афсуски, ўша кунги фожиялар учун фақатгина милициянинг бошида калтаклар синди ва синмоқда. Масалан, баъзи бир кишиларнинг айтишича, айрим нашрларда ёзилишича, 16 январь кўргулигидан кейин Талабалар шаҳарчасига бориб, ҳеч қандай тошларни кўришмабди-ю, отилган ўқлардан қолган гильзаларни топишибди.

Ахир, бунини қандай тушунишга бўлади! Воқеага кўрмай-билмай туриб баҳо бериш ёки сал мулоҳаза юритмай айбни бошқа бировга тўнкашнисофдан эмас. Уша воқеалар нотўғри тушунирилганидан одамлар бир-бирига бўлган ишонччи йўқотмоқ-

далар. ИИБ раҳбарлари иштирок этган Октябрь Мўминов олиб борган телекўрсатувада милиция ходимларини фашистлар, деб ҳақорат қилинганига нима дейсиз! Мен бундай тўхмат ва ҳақоратларга чндаёлмай қўлимга қоғоз-қалам олдим. Чунки ўша кунги воқеаларга гувоҳман. Қандай бўлганини ўз кўзим билан кўрганман.

Биз етиб борганимизда, Талабалар шаҳарчаси хийла нотинч эди. Дўконларнинг ойнаси синган, баъзиларига ўт кетган эди. Энг ёмон, 30-40 нафар милиция ходимини талабалар ҳар тарафдан ўраб олиб, тошбўрон қилишарди. Биз ёрдамга шошилдик. Безориликка чек қўйишнинг қонун йўли билан талаб қилдик. Аммо «оловқалб» ёшлар қулоқ солишни ҳам истамас, бизларни куракда турмайдиган сўзлар билан ҳақоратлашар, устимизга қайноқ сув қуйишар, дуч келган нарсани

ташларар эди. Афтидан бизларни ҳам уларникидай она туққанини, бизларни ҳам улар сингари уйимизда ақилларимиз кутаётганини асло ўйлашмас, милиционерларни мисоли ўзга сайёраликлар каби қабул қилишарди.

Менинг кўз олдимда дўстларимдан иккитаси қонга бўялиб йиқилди. Гапнинг очиги, йигит бўлсамда, кўзимга ёш келди. Ахир, бу не кўргүллик! Нега бунчалар ваҳшийлик қилишяпти!

Ниҳоят, аҳвол оғирлашган бир пайтда олий милиция мактабининг курсантлари кўмакка келишди. Хайриятки, уларнинг қалқонлари бор экан, йўқса... Бироқ, минг афсуски, талабаларнинг бемисл ваҳшийликларини ҳақоратлари жон-жондан ўтгач, ўк узилди. Зеро, ёвузлик ёвузликни тугдиради, деган халқ ҳикмати бежиз эмас.

Энди шу ўринда бир мўвоҳаза юритиб кўрайлик. Хўш, милиция ходимларига қурол ишлатиш, ўқ узши ҳавасми! Ахир, талабалар

ичида уларнинг ҳам ака-укаси, опа-синглиси, қариндош-уруғи, ҳеч қурса, ҳамшахари бор-ку!

Иккинчидан, ҳар бир ички ишлар хизматчиси қуролни ноҳақ ва нотўғри қўллагани учун қандай қатий жазага тортилишини жуда яхши билади. Демак, у талабаларнинг тошбўронидан ҳам кўра қаҳрли жавобгарликдан чўчийди. Аммо ўша кунги воқеалар улар учун икки дунёни бир қадам қилиб қўйганди.

Мана, ўша худо қаргаган дамлар ўтиб кетди. Тан жароҳатлари битди, аммо дил яралари газак олди. Аҳлкомма биз — милиция ходимларига нафрат билан қарайдиган бўлиб қолишди. Лекин шахсан менинг кўнсим тоғ. Чунки ҳали виждонимга қарши, халқимга қарши ҳеч бир ёмонлик қилмадим. Ҳамма эрксевар кишилар севган, орзиқиб кутаётган ўша озодлик дамларига, ёруғ кунларга мен ҳам интиқман!

Халқим, бизни қарғаманг! Шукрулло САИДОВ, Тошкент ўрта махсус милиция мактаби талабаси милиция кичик сержанти.

Бу муҳдиш воқеа уч йилча муқаддам содир бўлган. Шунингдек, мақола ҳам анча илгари ёзилган. Бироқ бирор бир матбуот саҳифасида ёритишга ийманиб юрдик. «Бировлар фожиасини дoston қилиш одамийликдан эмас», — деган андишга бордик ўзимизча. Лекин, адашган эканмиз. Уша муҳдиш воқеада бутун бир халқнинг, қолаверса, жафокаш миллатимизнинг қора қисмати ўз аксини топган экан, Демак, бундай фожиадан элу юрт оғоҳ бўлиши, ўзлари учун тегишли хулосалар чиқариши зарур. Шу боис биз оддий бир қаламкаш сифатида баҳоли-қудурат битган мақоламизни азиз газетхонлар ҳукмига ҳавола қилишни лозим топдик.

Биз бу кўргуликни эшитиб, ҳаётнинг шафқатсиз қонуниятлари олдида лол бўлиб қолдик. Энди фожианинг гуноҳдорини топсак ҳам, барибир Ойхон бу оламга қайтиб келмайди. Мурғак вужуди соғинчнинг зил юки остида қолган, кўзлари бир умр она дийдорига интиқ ўғли Алишержонни бағрига босиб, суйиб, эркалай олмайдди. Ҳеч бир зот Ойхон ўзи билан йўқликка олиб кетган оналик саховатини Алишерга қайта тортиқ қилолмайди. Шундай бўлсада, бу ҳолнинг қайта такрорланмаслиги учун фожианинг келиб чиқишига туртки бўлган сабабларни ойдинлаштиришга аҳд қилдик.

Фожа тафсилотини билиш ниятида ишни марҳума эри билан яшаган, айна пайтда ҳувиллаб ётган ҳовлининг икки ён қўшниларига қулоқ тутишдан бошладик. Муддаомизни билгач, қўшнилар биз билан ҳеч нарсадан хабар йўқ кишилардек муомала қилишди. Улар ё ниманингдир андишасини қилишарди, ё халқимизнинг минг йиллардан бўён ардоқлаб келган қўшничилик удувлари бугунги кунда буткул унутилган. Биров бировнинг ҳаёти билан қизиқмайди. Одамлар ўртасида меҳр-оқибат кўтарилиб, ҳамма ўзим чиқиб олган тепа омон бўлсин, деб яшаётгандек...

«Қачон одамлар лоқайдлик ботқоғидан халос бўларкин?» — деган ўйлар билан марҳума туғилиб ўсган уйга яқинлашдик. Бизга пешвоз чиққан оқ рўмолли аёл — Саида опа қизи Ойхоннинг исмини эшитгач: «Пешонамизга шу ёзилган экан», — деди-ю ўзини ҳўнг-ҳўнг йиғидан тўхтатолмади.

— Ҳозир ҳам қизимнинг ўша аҳволини эсласам, этим жунжикиб кетади. Бечоранинг танида соғ жойи қолмаган эди. Ҳамширалар иал-ҳам юбориш учун фақат товонидан бир парча куймаган терини топишолди, холос, Ойхон эса алланималар деб тинмай алаҳсарарди. Ниҳоят бир лаҳза ўзига келди, лекин кўзимга тик қарай олмади шўрлик...

Саида опа алам билан ҳикоя қилар, шашқатор кўз ёшлари сўлгин юзларини ёмғирдай юварди. Биз Ойхоннинг сўнгги дақиқаларда онасининг кўзларига тик қарашга мўънелик қилган нарса нима эканлигини билмоқ бўламиз. Қилмиши учун уялдимикан? Ёки оназорининг илтижоли қарашларини кўриб: «Алвидо», — дейишдан қўрқидими? Мингминг афсус, бу саволлар энди жавобсиз...

— Кейинги пайтларда қизим эри билан тез-тез уришиб қоларди. Биз эса эл-юрт олдида юзимиз шувит бўлмасин, деб уларни яраштириб келардик, — гапга қўшилди Нормурод ака. — Ҳозир ўз болаларим олдида гуноҳдордекман. Улар менга: «Ҳаммасига сиз айбдор», — дейётгандек бўлаверди.

Отанинг гумонлари ўринсиз эмас. Балки вазият «сўнгги чора»га бориб тақалмасдан қизини ажратиб олганда, яхши бўлармиди?

— Алишержоннинг келажги нима бўлади, балки кейинчалик апоқ-чапоқ бўлиб кетишар, деб ўйладик, — дейди Нормурод ака ҳазин товушда.

Мана, андишанинг аччиқ меваси... Бир кун: «Онаси ўзини ўзи ёқиб ўлган», —

деган сўз Алишернинг кўнглига «ота-онаси ажрашиб кетган»дан ҳам кўра оғирроқ ботмасмикан?

Суҳбат давомида анчагина маълумотларга эга бўлдик. Барча қишлоқ қизлари сингари Ойхон ҳам эсини танигандан дала меҳнатига жалб этилган. «Пўлат қуш»ларнинг пахтазор бўйлаб аёвсиз пуркаб турган бутифос «ёмғир»идан бебаҳра қолмаган. Натижада турмушга чиққач, биринчи фарзанди чала — етти ойлик бўлиб туғилади. Ундан кейинги икки боласини эса ботинида 7 ой ҳам кўтариб юролмайди. Бу икки гўдакка ҳатто ёруғ дунёни

болалар доимо яхши кўрсаткичларга эришарди. Ойхон йиғилишдан қувончи ичига сиғмай чиққанди. Кечга яқин қўшнимдан унинг ўзини ўзи ёққанлигини эшитиб, турган жойида қотиб қолибман. Эртаси кун эрталаб Ойхоннинг ҳолидан хабар олгани туман касалхонасига бордим. Уни кўриб, даҳшатга тушиб кетдим. Ҳамма ёғи куйиб кетган, фақатгина кўзлари илтижоли боқарди. Гапиришга чоғландим. Бўғзимга бир нарса тиқилгандек товушим шивирлаб чиқди.

— Нега? — дедим зўрға. У менга қараб: «Кечиринг, опа», — деди-ю оғриқдан ихраб юборди. Ойхоннинг шу сўнгги сўзлари ҳанузгача қулоғим остидан кетмайди. Оиласидаги доимий жанжаллар уни бу ишга қилишга мажбур қилган. Сўнг яна бир муаллима-

лари ҳам баодоб. Захриддинлар оиласига келсак, шахсан унинг хулқи менга қоронғу. У сўнгги пайтларда ҳеч жойда ишламай ичкиликка берилиб кетган эди. Менимча, марҳумага ситам ўтказилмаганида, бу воқеа содир бўлмас эди.

Терговчининг бу кўргазмалар билан қизиқмаганлиги, нимага асосланиб Нормурод акага қуйидаги мазмуни хатни йўллагани кишини ажаблантиради.

«Сизнинг қўзингиз Ойхоннинг ўз-ўзига ўт қўйиб, жонига қасд қилганлиги факти бўйича ноҳия прокуратураси томонидан текшириш олиб борилаб, тутилган маълумотларда жиноят состави бўлмаганлиги аниқланди ва шу иш юзасидан жиноят иши қўзғатиш рад қилинди.

Ноҳия прокуратурасининг терговчиси, 15.06.89».

Биз туман прокуратурасига бориб, юқоридаги хат-

да қолган Захриддиндан. — Уйда эдим. Магнитофонни қўйиб, ҳовлида ишлаб юргандим. Хотиним омам билан (улар битта мактабда ишлашарди) кириб келди. Омам бироз ўтиргач, кетадиган бўлиб қолди. Мен уни кўча бошигача кузатиб қайтаётсам, Ойхоннинг жон аччиғида қичқиргани эшитилди ва... — Захриддин Ҳўрсиниб қўшиб қўйди. — Энди яшашинг мен учун қизиғи қолмади. Ўғлим Алишержон бўлмаганда, мен ҳам ўзимни...

— Эшитишимизча, охириги беш ой давомида қўлингиз ишга бормаяптикан? Сир бўлмаса нега?

— Бизда ўқитувчилар учун иш етишмайди. Мен қаерда бўлмасин, кимнингдир ўрнида вақтинча ишлаб юрганман. Янги кўчиб ўтган уйимизни тиклаш мақсадида кейинчалик ишдан бўшаган эдим.

— Нега туғилган жойингизни ташлаб кетдингиз?

— Энди қишлоқда яшашим осон бўлмаса керак?

— Алишержоннинг тақдири энди нима бўлади?

— Айтдим-ку, фақат шу ўғлим туфайли яшаб юрибман. Ойхон уни ота-онасига васият қилиб қолдирган экан. Мен туман халқ судига: «Ўғлимни олиб беришлар», — деб ариза ёзгандим. Аммо улар: «Болага қарайдиган аёл бўлиши зарур», — деб аризамни рад этишди. Мен қайта уйланмасликка аҳд қилганман. Ҳозир вилоят халқ судига ариза бердим, барча умидим шунда.

Биз Захриддиннинг, олдидан қайтар эканмиз, Ойхоннинг ўз жонига қасд қилишга сабабчи бўлган кишилар кўпчилиги, деган хулосага келдик. Булар ўша ёшгина қизалоқ ҳаётини хавф остига қўйиб, дала меҳнатига тортган кишилар, қизи турмушга чиқаётганида, севадимни, яшаб кета оладими, деб суриштирмаган ота-онаси, қолаверса, ҳамкасбларининг ҳаёти билан қизиқиниши ўзларига эп билмаган ўрта мактаб жамоасидир. Албатта, фожианин келиб чиқишига ўзи билмаган ҳолда асосий сабабчи бўлган киши бу — марҳуманинг эри. У эр сифатида хотини билан юлдузи-юлдузига тўғри келмаганини англагач, обрўйи борида, ажралиши керак эди. Бунга марҳуманинг ўзи ҳам рози бўлган экан. Нега Захриддин сусткашлик қилди. Тўғри, ота-болаларимиз оиланинг бузилиши худонинг ғазабини келтиради, дейишади. Лекин шунга қарамай, Қуръон шарифда ҳам талоқ деган нарсалар бор.

Яқинда бир статистик маълумотга кўзимиз тушган эди. Унда жумҳуриятимизда одамларнинг ўртача ёши 50 га ҳам бормаётганлиги қайд қилинган. Эллик йил... Бу югурик вақт олдида лаҳза холос. Наҳотки, бизнинг бир-биримизга бўлган меҳрсизлигимиз натижасида кимларгадир шу «лаҳза» ҳам кўплик қилаётганини англамаймиз? Нега ўзгалар тақдирига бунчалар бефарқ бўлиб қолдик? Бурч, сеvgи, оила, садоқат деган тушунчалар қайда қолди? Булар бари лоқайдлигимиз, бефарқлигимиз касофати эмасми? Бас, шундай экан, келинлар, ўзимизга эмас, лоқайдликка ўт қўйлик. Токи қанчадан-қанча АЛИШЕРлар она меҳридан бебаҳра қолмасинлар.

Сирождин РАҲИМОВ, Абдусамад РАҲИМОВ, ТошДД талабалари.

КОРА ҚИСМАТ

кўриш ҳам насиб этмайди. Ҳаётнинг бу янгли нотантилиги Ойхон руҳиятига таъсир қилмаган бўлиши мумкин эмас. Турган гапки, у сал нарсага жиғибйрон бўла бошлайди. Шу ўринда Ойхоннинг Захриддин билан чинакам севги асосида турмуш қурмаганлиги маълум бўлди.

Улар бир қишлоқда ўсиб улғайган, бир-бирларини яхши англаб етмай турмуш қурганлар. Шул боис оғир дамларда бир-бирларига далда бўлиш ўрнига ҳар ҳил кўнгли хираликларга йўл очиб беришган, турмушлари заҳарга айланган. Турган гапки, бундай ҳаётдан безган эр-хотин қандайдир чора излашган. Ойхон топган сўнгги «чора» эса...

Захриддиннинг онаси Закия момо билан суҳбатлашганимизда, берган саволларимизга негадир кулимсираб жавоб қайтарганига ҳайрон бўлиб, ёқамизни ушлаб қолдик. Қайнона-келинининг ўзаро муносабатида наҳотки шундай тубсиз жар яралган бўлса?

— Келиним ўғлимни йўлдан ургач, улар мени Ёғиз ташлаб, бошқа ҳовлига кўчиб кетишган эди, — деб дий-диё қилди Закия момо. — Лекин янги уйда ҳам эр-хотиннинг жанжали ҳеч тинмади. Марҳума ҳақида бундай гапириш ноўрин бўлсада, тўғриси айтсам, келинининг ўзи анча инжиқ, кўнгли тор хотин эди.

Биз Закия момодан ўзимизга зарур бўлган гапларни ололмагач, Ойхон ишлаган ўрта мактаб томонга йўл олдик. У ерда директор билан физика фани ўқитувчисини учратдик.

— Ойхон кўзим олдида вояга етди. Кейинчалик бирга тўрт йил ишладик ҳам. У жуда одобли, хўшмуомала, қобилиятли ўқитувчи эди, — дейди физика муаллимаси. — Фожа юз берган кун мактабда муаллимлар йиғилиши бўлган ва шу пайтгача тарбиячи бўлиб келган Ойхонга биринчи синфни ишониб топширгандик. Негаки, у тарбиялаган

нинг сўзларига қулоқ тутамиз:

— Мен Ойхонни мактабда ўқитганман. Унинг синфни тугатиб, педагогика техникумига жойлашди. 1989 йилдан бошлаб бизнинг жамоамизда ишлаб, педагогика институтининг сиртқи бўлими талабаси ҳам бўлганди. Захриддин билан уч йил турмуш қуриб, бирон марта чехраси очилиб юрганни кўрмаганман. Лекин у рўзгордаги гапларни ҳеч кимга айтмас эди. Ўзим бир неча марта эри билан жанжаллашиб, отасиникига кетганлигини гувоҳи бўлганман.

Суҳбатга қулоқ солиб, Ойхон фожа томон атрофидаги одамлар кўз ўнгида илгарилаб борганлигини англадик! Яна лоқайдлик.



Жамоатчилик унинг қандай ҳаёт кечираётганлигини оз бўлсада биларкан, нега вақтида маслаҳат беришмади? Ёки шахсий ишга аралашини ўзларига эп кўришмадимикан?

Қишлоқдаги суҳбатга жамоа хўжалиги раиси шундай хотима қилди:

— Мен Ойхонлар оиласини яхши биларман. Маҳаллада намуналиги билан ажралиб туради. Фарзанд-

га аниқлик киритиб беришларини сўрадик. Шу иш билан шуғулланган терговчининг айтишича, Ойхон эридан нолиб ҳеч жойга шикоят қилмаган экан. Терговчи бизга Ойхоннинг ўлим тушагида берган иқрорномасини ҳам кўрсатди (иқрорномани терговчи тўрт ҳамшира гувоҳлигида оққа кўчирганмиш). Хатда Ойхон ўз жонига қасд қилганлигини тан олган ва ҳеч кимга давоим йўқ деган мазмунда гапирган. Бу нарсанинг қанчалик ҳақиқатлиги тўғрисида бирон нима дейиш қийин. Чунки уч кун давомида қизининг олдидан бир қадам ҳам жилмаган Саида опанинг беҳабарлигини қандай баҳоласа бўлади?

Эр-хотин тўйдан кейин бир йилча яхши яшаганлар. Ўзаро жанжаллари асосан фарзандли бўлишгандан кейин бошланган. Оиласининг тўнғичи, эрка қизи бўлган Ойхонни эрининг бола парваришига етарлича кўмак бермаётганлиги аччиқлантирдими, ҳар қалай, тез-тез уйига кетиб қоладиган одат чиқарган. Афтидан кейинги икки боласининг тақдири унга сира тинчлик бермаётгандек эди. Захриддиннинг энг катта айби шу оғир кунларда эр сифатида хотинининг дардига малҳам бўла билмаганидир. У табиатан такаббур йиғит эмасми, қандайдир инжиқ бўлиб қолган хотини олдида бош эгишни ор деб билган, Фожианинг асли сабаби ҳам ана шунда. Ўша машғум воқеадан беш кун аввал эр-хотин яна уришиб, бир-бири билан гаплашмай қўйишган. Ойхон шу беш кун давомида бундай бемаъни ҳаётдан қутулмоқ чорасини излаб қолган бўлса, ажаб эмас. Эҳтимол, эрига инсоф кириб, турмушлари изига тушиб кетишига умид қилгандир. Эҳтимол...

— Сиз ўша воқеа пайтида қаерда эдингиз? — деб сўраймиз оғир ўйлар огуши-

ТАКЛИФ

Енгилроқ кечади

Ҳаммамизга маълумки, ички ишлар ходимлари кунни тунга улаб, жонини жабборга бериб, турли қонунобузарлар, жиноятчиларни туташади, оқибатда эса ўзлари ҳемирсиз қолишаверади. Менинг таклифим шундан иборатки, ана шу жиноятчиларнинг ахлоқ тузатиш колонияларидаги иш ҳақидан бир қисми жабрдийдаларга, бошқа қисми эса милиция ва қамоқхона ходимларига мукофот тариқасида берилса. Бозор иқтисоди шароитида ички ишлар ходимларига ҳам осон бўлмаётгандир.

Яна бир таклиф, милиционерлар кўпроқ жамоат уловларида юришса, бунинг устига фуқаро кийимида. Айниқса, кейинги пайтларда бизнинг Бухоро шаҳрида кисавурлар ёлғирдан кейинги замбуруғдек кўпайиб кетган. Уларга менинг ҳам яқинда «ишим» тушди. Милиционерлар фуқаро кийимида шаҳар уловларида кўпроқ юришса, ҳақиқий аҳволдан яхшироқ хабардор бўлишардими? Қолаверса, бу кийимда жиноятчини ушлаш ҳам осонроқ, енгилроқ кечармиди?

Фулум БОБОҚУЛОВ,
Бухоро шаҳри.

КИДИРИЛМОҚДА

Ички ишлар идоралари томонидан 1978 йилда Самарқанд вилояти Самарқанд тумани «Ленинизм» давлат хўжалигидаги 1-бўлимда туғилган Шерали Нурматович Эшонқулов қидирилмоқда.

У 1991 йилнинг 22 декабрида эски ўзбек ёзувини ўрганиш мақсадида Наманган шаҳрига келган ва домдараксиз йўқолган.

Уст-боши: эғнида оқ костюм, оқ кўйлак, кўк майка, бошида қора дўппи, оёғида қизил спорт туфлиси бор эди. Қўлида қизил шойи белбоққа ўралган кўйлак ва чопон, ёнида 150 сўм пули бўлган.

Белгилари: бўйи 150 см., сони, қоши ва кўзи қора, янгида ярадан қолган жароҳат изи бор.

Шерали Эшонқулов ҳақида бiron-бир маълумотга эга бўлган фуқаролардан бу ҳақда энг яқин милиция бўлимларига «02» рақамли телефон орқали хабар беришларини сўраймиз.



Мухаррир
Зокир ОТАЕВ.

МАНЗИЛГОҲИМИЗ: 700029, Тошкент, Лопатин кўчаси, 1.
Узбекистон Жумҳурияти «Шарқ» нашриёт-матбаачилик концерни
босмахонаси. 700083, Тошкент, Ленинград кўчаси, 32.

БУГУННИНГ ОҒРИҚЛАРИ ТАСВИРЛАНГАН

Езувчи Ботир Носировнинг «Довулда туғилган бола» қиссасини яқинда «Нур» ижодий ишлаб чиқариш бирлашмаси чоп этди. Бу ёзувчини ўқувчилар «Олтин қаср фожиаси» қиссасидан яхши танишади. Телетомошабинлар эса у кишининг сценарийси асосида яратилган «Оқ тулпор изидан» видеофильмини мароқ билан такрор-такрор кўришган. Шу адиб янги асарини эълон қилди.

Қисса фантастик жанрда бўлиб, мураккаб ва ўткир сюжетлардан иборат. Муаллифнинг ютуғи шундаки, асарда бугунги кун муаммолари, оғриқлари яққол кўрсатиб берилган, аёвсиз фош этиб ташланган. Воқеалар Нур сайёрасидан ташриф буюрган онгли мавжудотлар ўзлари билан келтирган ота пушт уруғини ерлик аёл бачадонида қўйиши натижасида туғилган боланинг саргузаштлари атрофида кечади.

Эгамберди (боланинг исми шундай) ўта қобилиятли, кучли бола бўлиб етишади. Тақдир тақозоси билан у ДАНга ишга жойлашади. Бу ерда кўплаб адолатсизликларга дуч келади. Узи билмаган ҳолда порахўрлар ўртасида воқитчилик қилади, севган қизи туфайли нопок даврага тушиб қолади. Уларга қарши аёвсиз курашади.

Қисқаси, асар ўқувчини зериктириб қўймайди. Тити ҳам равои, содда. Уйлаймизки, «Довулда туғилган бола» китобхонларнинг сеvimли асарларидан бирига айланади. Чунки унинг муаллифи милиция майори Б. Носиров ўзига яхши таниш соҳа — ДАН мавзусида қалам тебратиб, бу ерда учрайдиган барча кирдикорлар, қаллобликларни яққол ёритиб беролган.

Утабек РАЖАБОВ.



ҚУРОЛДОШЛАРИМНИ ИЗЛАЙМАН

Ҳурматли муҳаррир!

Мен 1979-81 йилларда Афғонистон тупроғида ўз хизмат бурчимни ўтадим. Қарийб икки йил олов ичида юргандек сезганман ўзимни. Ниҳоятда тушкунликка тушиб қолган пайтларимда ўз ўзимга: «Мен кимга ўқ уза-япман, нима учун?» — дея савол берардим. Биргина

мен эмас, бошқалар ҳам худди шундай ўйда юрардилар. Уша кунларнинг ўтмишга айланганига ҳам 11 йил бўлибди. Қалбимда қуролдош дўстлар дийдорини кўриш илинжи доимо чўғлашиб туради. Мен хизмат қилган қисм Қундуз, Шибиргон, Мозори Шариф, Тошқўрғонда бўлган. Танк ҳайдовчиси эдим.

Батальонимиз командири майор Жуков, взводимизники эса катта лейтенант Тимошенко эди.

Сизлардан илтимос, рўзномангизнинг навбатдаги сонларидан бирида қуролдош дўстларимни излаётганлигимни билдирсангиз.

МАНЗИЛГОҲИМ:
733100,
Сурхондарё вилояти,
Шеробод тумани ИИБ.
Уй телефоним рақами: 22-377.
Тоштемир ЧОРИЕВ.

«ОЙНАИ ЖАҲОН»ДА КЎРИНГ

20, пайшанба

УзТВ I

8.00 «Ўзбекистон», 8.20 «Шухрат Йўлдошев ижро этади», 8.55 Телефильм, 9.15 «Ўрдак кўли воқеаси». Кинокомедия.

18.00 Янгилıklar, 18.10 Мультфильм, 18.25 «Бунёдкор», 19.00 «Ўзбекистон», 19.15 «Алифбо сабоқлари», 19.50 «Жума оқшомида», 20.30 «Ўзбекистон», 20.50 Мумтоз куйлардан концерт, 21.40 «Зулматни тарк этиб». Бадий фильм.

УзТВ II

10.30 Телефильм, 11.00 «Рақиблар». Бадий фильм.
18.30 «Сўхбатга чорлаймиз».

19.00 «Бу оқшомда», 20.30 «Пульс», 20.40 «Бу оқшомда», 21.40 «Пульс», 21.50 «Кинонигоҳ».

«ОРБИТА IV»

[Москва]

6.00 «Тонг», 8.30 Мультфильм, 9.00 Телевизион танишу», 10.10 Телефильм, 10.40 XVI қишки олимпиада ўйинлари. Хоккей.

12.00 Янгилıklar, 12.25 «Инсон ва қонун», 12.55 «Савҳатчилар клуби», 13.55 «Қандай қилиб муваффақиятга эришиш мумкин?», 14.10 «Ен дафтар», 14.15 «Телемикст», 15.00 Янгилıklar, 15.20 «Бугун ва ўша пайтларда», 15.50 «...Ҳали урушдан аввал», Бадий фильм, 2-серия, 16.55

Мультфильмлар, 17.45 Труба ва оркестр учун концерт.

18.00 Янгилıklar, 18.20 «...16 ёшгача ва ундан катталар», 19.10 «Кенес Жандибаев, ислохотчи», 19.25 «Фермата», 19.55 «Қора кут», 20.45 Хайрли тун, кичкинтойлар! 21.00 Янгилıklar, 21.20 Ҳеч нарса ҳақида репортаж, 21.35 «Кичкина Вера», Бадий фильм, 23.45 XVI қишки олимпиада ўйинлари, 00.30 «ВИД» таништирад: «Тўқизлик», 01.40 «...Ҳали урушдан аввал», Бадий фильм, 2-серия.

«ДУБЛЬ IV»

[Москва]

8.00 Хабарлар, 8.20 Олимпиада кундалиги, 8.50 Испан

тили, 9.20 Ишдан бўш пайтингида, 9.35 Испан тили, 10.05 Россиячасига хусусийлаштириш, 10.20 Қишки олимпиада ўйинлари, 12.20 Долзарб репортаж, 12.50 Телефильм, 13.40 «Россия билан юзма-юз», 14.00 Қишки олимпиада ўйинлари, 16.50 Болалар соати, 17.50 «Бешикчи филдирак», 19.25 Қишки олимпиада ўйинлари, 22.00 Хабарлар, 22.25 Олимпиада кундалиги, 23.00 Телевизион ахборот тижорат кўрсатуви, 23.15 Махсус тижорат хабарномаси, 23.25 Ишдан бўш пайтингида, 23.40 Россия Федерацияси Олий Кенгашининг сессиясида.

21, жума

УзТВ I

8.00 «Ўзбекистон», 8.20 Кинопрограмма, 9.20 «Муқаддас устахона кўнғироғи», Бадий фильм, 10.50 «Ешлик».

18.00 Янгилıklar, 18.10 Мультфильм, 18.25 «Одамлар манфаати йўлида», 19.00 «Ўзбекистон», 19.15 Манзарали фильм, 19.25 ИИБ матбуот маркази хабар қилади, 19.40 «Навойхонлик», 20.30 «Ўзбекистон», 20.50 Бастакор Раҳматжон Турсунов кўшиқлари, 21.30 «Тўзон», Бадий фильм.

УзТВ II

10.30 Зоология, 11.00 Телефильм, 11.30 Биология.

18.05 Душанбе кўрсатади.

«ОРБИТА IV»

[Москва]

6.00 «Тонг», 6.35 Мультфильм, 8.50 «...16 ёшгача ва ундан катталар», 9.40 «Атиргул тутган офицер», Бадий фильм, 11.25 Концерт.

12.00 Янгилıklar, 12.20 Телефильм, 12.40 Лючия Алиберти концерти (Италия), 13.25 «Ен дафтар», 13.30 «Бридж», 13.55 XVI қишки олимпиада ўйинлари, 16.30 «Болалар мусикий клуби», 17.25 XVI қишки олимпиада ўйинлари, 18.00 Янгилıklar, 18.20 «XX аср солдатлари урушга қарши» халқаро телемарафонига, 18.35 «Инсон ва қонун»,

19.15 «Менинг оилам ва бошқа жониворлар», 19.50 «ВИД» таништирад: «Мўъжизалар майдони», 20.45 Хайрли тун, кичкинтойлар.

21.00 Янгилıklar, 21.20 «ВИД» таништирад, 22.35 «Волоколамск шоссеси», 00.20 Концерт, 00.50 XVI қишки олимпиада ўйинлари.

«ДУБЛЬ IV»

[Москва]

8.00 Хабарлар, 8.20 Ишбилармон кишилар даври, 9.20 Олимпиада кундалиги, 9.50 инглиз тили, 10.20 Қишки олимпиада ўйинлари, 11.15 Ишдан бўш пайтингида, 11.30 Хужжатли фильм, 11.50 Инглиз тили, 12.20 «Севги иқрори»,

14.00 «К-2» таништирад, 15.00 Россия ҳомийлари, 16.00 «Қирралар», 16.45 «Дехқонларга тааллуқли масала», 17.00 «Простор плюс», 17.30 «Тадбиркорлик ва анъаналар», 17.45 Телевизион ахборот тижорат кўрсатуви, 18.00 «ТелеЭКО», 18.30 «Менга сўз беринг», 18.45 «Версия», 19.00 «Нифоқ ороли, Япониядан қараганда», 19.30 Хужжатли фильм, 19.40 Ишдан бўш пайтингида, 19.55 Россиянинг парламент хабарномаси, 20.15 «Ҳар кун байрам», 20.25 Қишки олимпиада ўйинлари, 22.00 Хабарлар, 22.25 Олимпиада кундалиги, 23.00 «Санта-Барбара», 23.50 Россия Федерацияси Олий Кенгашининг сессиясида.

Телефонлар: муҳаррир—54-37-91, муҳаррир ўринбосари — 39-77-23, мухбирлар бўлими — 59-26-56, 59-20-92, умумий бўлим — 59-21-21.

Обуна рақами — 64615. 43920 жусхада чоп этилди.